

續黔書卷之五

武威張 澍 芻穀

多雨

史記正義引太康地記云河北得水爲河塞外得水爲海自小而大之也楊用脩云黔人謂雨爲清露自多而少之余辛卯之嘉平月入黔境卽霪霖自玉屏至貴陽凡十程僅得一日晴故有漏天之號山海經曰應龍已殺蚩尤又殺夸父乃去南方處之故南方多雨郭氏注龍水物呂類相感余竊謂牂柯分野上當天井是多雨潦非必如隕鼓之所云也

拊愁霖賦

蘇利回驂焦明舞翅蜡爾雲巫孖流霧織苦雨連旬陽烏引避

續黔書卷五

一

人不堪息天何徑醉中庭桴渡炊竈烟霾咎耶上壁胜遇翔階百塵泥滑干井鼃排門無繫馬戶絕吟鞋茹愁獨臥散漫傷懷若夫關山懸互久理征鞭雞聲店裏人影橋邊寒颿震蕩怪鳥盤騫衣沾骨冷髮沐涕縣沈陰斷地積水連天長塗躑躅故國茫狀別有儒生御旅詞客郵亭短垣傾圮敗瓦飄零囊無長物案有餘螢檢書汰鶴讀曲淋鈴草元寂寂梧坐冥冥裹糧無友飽德自馨於時石決花蘂林於葉結澗浴青豨浪浮赤鼈鳩婦不來桐魚宜截后土難乾屏号尙泄假蓋誰憐墊巾可折三日佳晴諺云天無三日晴也云胡不悅爲之歎曰銅鼓山崩劣甕蓬水漩濃八番秧苗爛六額蠟裙駟牛肩拭泥血龜鼻解銅環永芾從此去爲我洗愁顏僭得穆王笛吹徹此荒蠻

歧舌

呂氏春秋功名篇云反舌殊俗之國高誘注一說南方有反舌國舌本在痔末倒向喉其語昇中國語相反因謂之反舌淮南子墜形訓云東南有反舌民高誘注語不可知而自相曉海內南經有歧舌國藝文類聚引作反舌國其人反舌彡覽云軒渠之國其人四舌而三瞳通考謂之二重國拾遺記云因霄之國人舌尖處倒向喉內亦曰兩舌重沓金筑苗狝之巢穴余代庖之日苗有訢牒者令伸舌視之宛如王子年所說蓋舌主心苗火旺於己巳爲蛇故蛇歧舌南方歧舌之民其亦火旺之象也

醫方刻石

宋陳堯叟爲廣南西路轉運使嶺南風俗病者必禱神不服藥

續黔書卷五

二

堯叟有集驗方百本刻石貴州驛舍地方賴之余壬戌至黔遇道旁殘碣必剔蘚尋之無有也大抵年代塵邈非風雨剝蝕卽沈霾蔓草否則爲牧童敲火牛礪角呂致毀湮耳

石刻

修文縣二里龍岡山鐫陽明玩易窩五字洞口鐫陽明小洞四字王文成貶竅時講學之地也都勻城北有石壁鐫仁智之情動靜之理棲此盤谷飲此泉水十六字張鶴樓遣戍是邦誅茅讀書題此呂自慰也黔西州北六十里有方石厚闊各尺許長二尺默擡卽起語則多人不能動上鐫天合二字都指揮馬曄之遺跡也貴陽東山翠巖崔嵬琳宮縹緲鐫君山讀書處五字郡人楊大賓習業之所也安平之噴珠泉鼓掌喧嘩珠璣迸出

鐫喜容泉三字參政焦希程之所題也永從之石芝洞鐫行芝  
洞天四字副使徐九皋之所題也又皮林洞有皮林山一名過  
化山參將鄧子龍題過化二字寨民相傳歲呂石灰填之否□  
多病目也龍里縣南之畱雲洞奇曰怪壁巡撫郭子章題之曰  
雕雲也餘慶有古洞白雲封洞口則雨太至邑令韓任甫題之  
曰慈雲也龍泉北三里岩上刻天河洗甲四字劉縉平播凱旋  
經此勒岩也麻哈江之橋葛鏡建屢爲水決三建乃成縻金巨  
萬總督張鶴鳴礮碑題葛鏡橋三字也安南縣文廟旁有石方  
廣數丈總兵鄧子龍鐫欲飛二大字於上畫寬尺許也又縣南  
雅關下有飲馬泉傳溘將軍關索至此人馬渴甚泉忽湧出成  
池參政林喬勒碑池左曰甘泉聖跡也

國勣總督蔡毓榮  
泐且呂斂人四字

桐梓

續黔書卷五

三

之葫蘆洞清幽深遠石狀龍蟠邑令萬侯建額曰天叶賞大學  
士王應熊有北顧岩三字俱鐫於洞口也永甯之觀音洞有白  
石如□鐫神龜玉液四字也天柱之干佛鐘鼓洞微霧濛濛清  
流濺濺邑令朱梓題石曰天下第一奇洞也婺川之蟠龍洞壁  
鐫蟠龍化雨四字也銅仁之東山突兀奇峭俯瞰大江絕壁鐫  
雲彩江聲四大字也都勻之夢遇山有碑鐫仙入張三丰觀瀾  
處八字也平越城西五里崑上有張三□□影郭子章於高處  
鐫神畱宇宙四字也遵義城北三十里石壁上鐫十二字云山  
齒齒水瀾瀾白飛霞曾到此也凡此石未駁落字畫可辨皆明  
人之遺跡也至遵義之白縣堡鐫石曰如能順從則世享福壽  
宋忠烈公楊燦呂十訓刻石示子者也龍泉縣東五十里有山

高數十丈上刻仙羊巖三字相傳唐人之書也又夜郎崑刻夜郎古甸四字相傳李白經此所題也若鎮遠之香爐巖畔刻泝流光三字相傳爲漢忠武侯所題疑未能信也又永甯之畱節洞石乳凝結上有字如蝌蚪不能識也永從之碑摸崑高數十丈上有仙書紅字又仙崑數處皆有大篆嘉靖時西陽可來侵地募人鏟去也畢節城北一百二十里有碑相傳武侯所太文漫漶不可讀也此皆余足跡所至耳目所覩記考之於地里參之呂聞說信而有徵者也其他奇崑峭壁幽崖邃洞或有祕響異蹤余恨無颿車未之到也狀書不能擬岳碑文不能比嶧山猶筆之赫蹠不忍棄者志余黔中之所得僅此也

俗字

續黔書卷五

四

黔南各郡民苗訟牒中多俗字亦有字書所載而音迥不類者詢之亦有解如夔讀爲卞言指勒不昇也夔讀爲擺言行止動搖也口讀口戀言婦女善淫也又更讀爲紐言目蟲置火上牀紐動也集韻更逵貝切音權蟲人火貌雀讀爲刁言人形短矮也廣韻有雀字音爵昇雀同說文雀依人小焉也集韻口音璞塊也卦讀爲絡言眈晦之斜劍者也南子說林訓土勝水非一音支塞江又普音同孖讀爲鴉言水之分流者也孖並音滋玉韻類云雙生子也黔之古城南有孖江車溶兩水將合處形如八字有寨焉亦名曰八孖

川字

黔之人呼牛馬之竅爲春余莫知其解或又曰穿思之知當爲川始信土俗方言果符訓詁之指歸也案山海北山經倫山有獸狀如麋其川在尾上其名曰羆九郭注云川竅也而姚旅露

書引山經川作穿蓋穿可訓川故釋各曰川穿也顏師古漢書李尋傳注云川者水貫穿而流通也裴氏廣州記云南海龍川縣本博羅縣之東海有龍穿地而出卽穴流東泉因曰爲号是川之訓穿傳記多有之又伯樂相馬經有馬白州亦當是川字畢中丞沅山海經校本疑川當爲州蓋据尔疋之白州驩不知郭氏彼注亦曰爲竅則州爲後人譌寫無疑也張揖廣雅亦云川臀也可証

### 釐字

黔之人儕輩相呼其偶不往赴則唉曰釐質問之則釐者不來也案古釐字本有來音劉向引詩來牟作釐斡郭顯卿字指釐字从口徐仙民讀昇來同鄭康成儀禮注曰狸之言不來也徐

廣云狸一名不來天子設狸侯所以射諸侯之不來者取此意也是黔人之言不來爲釐猶狸名不來爲反切之音如并夾爲口終葵爲椎邾婁爲鄒勃鞞爲披舉矩爲莒勃蘇爲胥壽夢爲欒舌職爲殖顓孫爲申蒺藜爲茨茅蒐爲韎扶胥爲輔於菟爲虎不聿爲筆軒轅爲韓俠累爲傀瓠盧爲壺鞠躬爲芎丁甯爲鉦僻倪爲陴和同爲降句瀆爲穀明旌爲銘大祭爲禘蕘蕪爲須千居爲邾窓籠爲聰蠃螭爲鳩疾蠹爲疾蔽膝爲鞞側理爲紙扶淇爲濼狻猊爲獅不可爲叵奈何爲那何莫爲蓋者昇爲諸之焉爲旃徒格爲斥如是爲爾之類皆曰雙聲合爲一字其學起於涿郡高誘其注呂氏春秋淮南子徃徃詳其音讀而韋宏嗣注國語亦有音切今人相承曰爲始樂安孫叔狀者誤也

生六男

癸亥二月余在會城一日晨集公廨同僚有言黔西某里王氏一胎震六男者子母皆無恙或曰爲駭余曰此固黔之已事也  
營陸終氏娶鬼方女嬪者蒯人表作女嬪故集韻音久孕不育潰大戴作女隤一作女嬪誤  
啟左脇三人出焉啟右脇三人出焉譙周輩咸曰爲誕曰今況古知記注者不妄也而又何怪焉曾聞苻翰遵義天旺落六寨土女酥卽孿產北牡而獸尾眾曰爲女昇畜交故有此三度關守者白之總督馮岳將訊之岳曰蠻族木穴居巢臥人獸相雜卽此盤瓠馬人之故習也遂令壞所產而置女不問

化虎

括地志越狴之人老者化爲虎博物志江陵之羆一作猛人能化

續黔書卷五

六

虎好著葛衣天中記云南蠻人呼虎爲羅羅人老則化虎有羅藏山今黔之夷俗亦善變虎王漁洋記定番土司事非妄也土人言此事多有其子孫入山頗識之虎亦數逞其家巡視余竊怪焉夫齊姜化蟋蟀而吟帝嬪化葦草而媚宓女填海爲精衛嫦娥奔月爲蟾蜍是皆幽思煩冤鬱遏莫發化爲異物憤憤鳴情若伯熙之爲黃能如意之爲蒼狗黃母之爲大鼃杜宇之爲嵩周仲明之爲王鮪殆又所謂彊魂敦圉淪化俶誕者矣乃孟食裳襲而忽斑其皮鋸其牙虓其聲是漆齒鑿耳之倫皆牛哀昇李耳也鬣首渠股之類咸左飛昇封雍一作邵也不必見蛇始曰爲杜預不必見蟹姑曰爲彭越人之化也小大無優劣善惡無常體書佐銘下且見之爻象矣儻淮南子所謂志昇心變神

與形化者矣蓋猶是廩君務相之餘風也或曰蠻人有術能使  
人化爲虎受此法者呂三尺布巾數升米糗一赤雄雞一斗酒  
又聞夸能爲變鬼法或男子或婦人變形作羊豕驢羸之屬齧  
人至死吮其血咽之土官重其法禁不能止或捕得輒生瘞之  
名曰鬼方良呂是夫

### 呪尸爲魚

西南國風土記云邪術有卜思鬼者婦人習之夜化爲猫犬遇  
病者攝其肉唾水中化爲魚鰕取而貨之今黔南諸苗能呂術  
呪尸爲魚而食之亦此術也又有苗手持蛇啗之采樵歸捕蛇  
滿籠中蛇亦不能去儻卽西京賦所謂水人弄蛇者昇聞雲南  
□西南牙人婦人怪者或化異物富家化牛馬貧家化猫狗至  
夜伺夫寐呂短木置夫懷中夫不能覺卽化去攝魂魄至死食  
其肉有守者逐得則夫家亟出金徃贖否則殺之又猛密人工  
幻術能易人心腎手足致死卽牛馬亦狀

### 石棺

玉屏縣志云玉屏城西北隆萬間欽天監奏其地當鹿草寇遺  
使七晝夜猝至掘之石棺蓋半啟其人一手握髮一足踏棺執  
將躍出急呂銅釘釘之乃斃聞初葬時係木棺也此昇汪喬年  
發闖賊祖墓內有金蛇鐵鐙事相類余考唐中和三年六月三  
日太白山人謁金州刺史檢校尙書左僕射兼御史大夫崔堯  
卦曰本州直北牛山旁有黃巢谷金桶水今大寇之帥黃巢盜  
據上京近已六年又僞國大齊号金統慮王氣必在此山伏請

奏聞蜀京發卒破掘則渠賊將敗堯封遂昇州官點諸縣丁男萬掘之月餘山後崖崩數丈有一石桶桶深三尺中有一□□獸旁置鹿盧劍長三尺黃腰見之呦狀數聲自撲而死堯封奏聞至秋黃巢果衰中原尅平此又昇宋永嘉末吳猛殺建昌巨蛇而蜀賊杜弼卽滅事相同也嗟乎古今來巨憝大猾皆山川之盤氣鍾之安得迅雷宣威石靈鼓斧摧深山之虎豹極大澤之龍蛇呂免斯民於塗炭哉

### 人疴

龍里縣東門內短垣數堵筆門葺斜大二人年約四十餘衣甚須捷面頰而害有蹙左目修翹右目內有肉釘挺出長幾三寸粗如小兒鬢充滿眼眶有橫瘋略似麋目形而肉色殷紅余於

### 續黔書卷五

八

壬戌十月初四日過見之爾時細雨溟沐其人負齋猶張目而睨眎也噫異哉儻卽所謂人口□者昇

### 風鬼

十洲記風生獸侶豹青色狀如狸在南海大林中張網得之燒之不死斫之不入鐵錐鍛其頭數千乃死張其口向風須臾仍活呂石上菖蒲塞其鼻卽死又謂風生獸喜食蜘蛛啖薰陸呂腦和菊花服至十斤可長生常持一杖指飛走則不能去人得之指物所欲如意診諸筮說卽廣州記之平猴嶺南志之風母抱朴子之狷狃虞衡志之風狸也又禽經風翔則風注云風鳶類越人謂之風伯淮南子羿繳大風於青邱之野許慎注大風鷲鳥也異物志云蟹之腹有風蟲狀如木□子而小色白食之



發風毒是風獸風鳥風蟲皆有之矣未聞有風鬼者陸次雲洞谿織志云風鬼出黔中無形無影曰旋風攝人爲害余至黔輒曰此□人咸云無有不如是次雲讐言抑皆有而今無也

□鬪

平越城南有高真觀觀旁有洞幽邃莫測內有物若牛時出見之相傳明正德閒忽一夜洞外雷吼僧驚恐起鎗鐘失鐘所在有頃聞鐘一路負聲而來諒震林木詰寐之凡樂銑上下甬紐左右悉黏水草乃寤疇昔之夜鐘舁牛鬪也後釁之乃止大凡物歷年久遠能爲神怪水西之金雞曉月查城之石虎噬人石龍騰甲而鼓吹聳亦在普安桑木被斧而雷震至在綏陽城西橋水中悉有證驗非同倣誕矣

續黔書卷五

九

馬化石

貴也城南四十里有白馬山士有古池深不可測人迹罕至至則風雨□冥相傳有白馬見於山下一黃冠呪之馬上山化爲石云案水經注蜻蛉縣有石豬子母數千頭傳言夷管牧豬於此一鞠豬化爲石後人遂不敢牧狀未聞有異人之迹也茲黃冠者毋亦饒初平叱石爲羊之術昇大抵神仙好遊戲嚼飯成蜂也飛履化鳧也擲杖爲龍也水噴紙驢肩牽茅狗也向井呼錢爲盤唾獺也彈橘裏之棋渡江中之扇也是乃麻姑所謂狡猶變化也

雷擊六人

攷京房易傳云雷電殺人何雷天拒難折衝之臣也君承用節

度則雷以節暴人威福則雷雷殺人是則謝仙行火巨楔走精  
蒼旻之賞罰所以補刑戮之所不及也癸亥六月余謝病閒居  
貴筑有白玉屏來者言月之初七值趁虛日鄉城懋易者咸集  
南明樓下時天晴霽無雲忽迅雷大震雷火自樓隙穿下市人  
咸驚懼霎時烟散見六人仆地竅血而死樓柱失半其苟買菜  
傭誤殛旋蘇焉稽錄雷誤震死者後廉實其四人常沃米呂  
水麝粃糠售之其二人則習用銅鐵白錫諸假銀呂誑人者嗟  
乎博陵血練無雲而殲叔鄉剡胸其讐卒斃展夸隱慝死詎能  
使不得售其術呂有其身狀則世之俯張爲幻倖王法之所不  
能及者雖復服橐蜚而佩嘉榮食正過而挾半石亦難免於辟

歷之礮其亦可吕怵心矣